

e kore te iwi Maori o tena tai e puhori ki te whakarongo mai, engari ka manaaki tonu mai i nga kupu, a ki te marama kia ratou he huarahi e tatu ai, tera ano e whakatatutia.

No te 29 o Maehe ka tae mai au ki te Pahou, Whakatane, ki te hui nui a Ngatiawa i pohiritia ai a Ngati Porou me te Whanau-a-Apanui, me Ngaitei me ngaiwi o Turanga. Emi katoa mai o reira rangatira ka hui ai to matou ope i tae mai ki te marae o Ngatiawa e 200 a ko nga tangata katoa o te hui e tata ana ki te 700, Ko Te Whakatohea, Ko Tuhoe, ko Ngatiawa katoa me etahi o Te Arawa. E rua nga ra i korero ai au, ko aku korero ano i Torere a he nui ko ake nga manaaki a nga rangatira katoa. E korero atu ana hoki au i roto i toku matotorutanga i a Ngati Porou, i te iwi kua whai haere i runga i nga tikanga a to tatou Kotahitanga. I reira etahi o nga rangatira whakahaere o era atu Kotahitanga, a na ratou i whakaae a waha mai ko tatou ke ko nga taitamariki. Kei te timata mai i te Kuini, me te whakaorara, i nga tino take rawa o te mate o te Maori, Ko era matauranga kei runga tonu i nga ture e hahau ana. Tena ake pea te ra e tino hono ai tatou ki era, e eke tahi ai nga matauranga katoa ki runga i a tatou whakahaere.

Me mihi ake au i konei mo te pai o enei hui e rua. Kaore rawa he waipiro i kitea ki roto, kaore he raruraru i pa. Na aua hui i whakamatautau nga iwi o waho ki nga iwi o te marae, enei hoki ki orai a katahi ano ka taea te ki he iwi kotahi te Tai Rawhiti i Matata ki Nukutaurna. Ahakoa he maha nga wawahanga ririki o roto i runga i te ahua o nga Karakia, he iwi tenei e kotahi rawa ana te whakaaro mo runga i nga mate me nga huarahi ora.

Ka wahia au i konei ki taku mahi, ka tino kite iho i tona nui, me tona roa, i tona teitei, i tona hohonu. Homai e te Ariki he kaha, he ngakau manawanui, kia taea ai te whakutuki te kauwhau o tenei o au rongopai.

Kati ake i konei enei kupu. Ko etahi taha o enei hui ma Hakarara Pakewa e whakaatuato o te hui ki Torere, ma Timutimu raua ko Aperahama a te hui ki te Pahou. £197 1s 4d te kahi Torere, £160 10s 6d o te Pahou, i kohia ano nga tikanga o te Whakapono.

Kei roto au i nga rohe o e haere ana i naitaei, kia tutuki ra whai kupapuka atu ai ano.

Keoi

Na to korua hoa,

APIRANA T. NGATA.

I TO PITO KORERO.

Kei te tangia te nupepa o Te Aute Kareti, e te perehi o Te Raukahikatea. Te ingoa o taua pepa ko "Te Tui." He nui te ahua-reka o nga korero o roto. He Pakeha te reo, kotahi rawa te upoko i tubia ki te reo Maori, "Te Ara ki Te Aute." I puta nga korero, mo nga mahi takaro, whutupooro, whakatutu hoia, omaoma; mo nga mahi whakapono mo nga mahi a to ratou "Kotahitanga," me era atu korero. Kotahi te wharangi mo nga rongo-korero o nga tamariki kaumatua o Te Aute, kua mutu nei ta ratou na kura.

Kua tonoa taku hoa Etita a Rewati Kohere e ona hoa Pakeha kia whakapiri i tetahi o a tatou pepa Maori. Ko ana ingoa, ara i a "Mokena." E hiahia ana ratou kia penei te roanga o tona ingoa Reweti T. Mokena Kohere. E mea ana ratou hei tohu whakamaharatanga tenei mana ki tona tipuna. Kaati kei pobehe o na hoa he tangata ke a Reweti Kohere, me Reweti Mokena Kohere.

He nui to matou pouri i to matou kitenga i etahi kupu kaore e tika kia perehitia i roto i tetahi o a tatou pepa Maori. Ko ana korero kino i roto i tetahi reta tuku mai, engari kaore pea i kitea e te etita. E hoa ma e korerotia ana a tatou pepa e te wahine e te tamariki, kaati kaore e tika nga korero weriweri kia perehitia. He mea tenei e taea ai te hamene te nupepa e te Kawana-tanga, a e mau ai te tangata ki te whare-herehere. Kia tupato. No nga kai ta te tino he ki te perehi tonu i era korero tino kino atu.

NGA KAKANO MA TA TATOU MANU

	s.	d.
Mama Te Rehu	16	0
Mrs Hunter-Brown	10	0
Nehe Karauria, Rangitoto	5	0
Miss A. Gage, Hukerere, Napier	5	0
Mr T. Jury, Greytown	10	0
Mr F. R. Wykes, Te Whaiti	2	6
Wi Pere, M.H.R., Tauranga	5	0
Mr C. P. Davis	2	6
Te Hata Kiwara	2	6
Noa Te Rangirua	2	6
Eru Titi, Te Arai	2	6
H. Waipi P. Ngakaho, Waipau	5	0
Rapata Manuera Pakarae	1	0

Bond, Finney & Co., Printer Nelson.]